

34
FRIDERICOS
SERENISSIMOS GERMANIAE
PRINCIPES PACIS LITERA-
RVM ET SCHOLARVM
AMATORES

BREVI COMMENTATIONE
EXPOSVIT

M. HENRICVS AVGVSTVS
SCHVMACHERVS
ILLVSTRIS GYMNASII GRIMENSIS
CONRECTOR




6

GRIMAE
TYPIS CHRISTIANI VOGELII

MDCCCXXXIX.

34

THE
LIBRARY OF THE
UNITED STATES
DEPARTMENT OF
THE ARMY
WASHINGTON
D. C.
20315
HENRIOT
1917



GRAND
LIBRARY

SERENISSIMO PRINCIPI AC DOMINO

D O M I N O

FRIDERICO II.

**SAXONIAE IVLIAE CLIVIAE ET
MONTIUM ANGARIAE ET VVEST-
PHALIAE DUCI**

**LANDGRAVIO THVRINGIAE
MARCHIONI MISNIAE**

**PRINCIPI COMITI HENNEBERGENSI
COMITI MARCAE ET RAVENS-
BERGAE**

**DYNASTAE RAVENSTEINII
AC TONNAE ETC. ETC.**

**P R I N C I P I
AC DOMINO MEO
LONGE CLEMENTISSIMO**

LONG CEMENTS
ADJUTANT
P. R. I. N. C. I. P. I.

SERENISSIME PRINCEPS DOMINE CLEMENTISSIME



Um nihil in rebus humanis, quae
externam promovent felicitatem,
pacis nomine dulcius
universo mortalium generi accidit,
cuius res ipsa, auctore
Tullio, eloquentiae in Latio
Magistro, & jucunda, & salutaris est:
tum summi in orbe terrarum Principes,
qui non a pace solum obtinuerunt nomina,
sed ipsi quoque pacis auctores & conservatores
existunt, omni amoris, venerationis, ac pietatis cultu
digni a civi-

civibus, fide & obsequio obstrictis, merito habentur. Praeterquam enim, quod nihil munere, quo funguntur, dignius praestant, & multa, eaque salutaria, patriae adferunt bona pacis cupidissimi illi rerum Moderatores, id etiam sedulo agunt, ut suavissimos pacis fructus in suos transferant, & Musarum domicilia, quae pacis tempore optime florent, aperiant, ut divina & humana sapientia, bonarum artium, & linguarum studia adolescentibus, in spem patriae natis, tenera adhuc aetate, instillentur. Qua summa felicitate per TE, FRIDERICÉ MAXIME, PRINCEPS SERENISSIME, cives, sub ditione & regimine TUO viventes, praecipue his temporibus fruuntur, qui ab omni belli strepitu, & hostium exercitu, tuti, Tua cura ac providentia in pace conquiescunt, & in scholis, pietatis & sapientiae officinis, Tuo praesidio conservatis, animos suos optimis scientiis & virtutibus ita praeparant, ut Reipublicae aliquando salutem promovere queant. Maxima haec, & praestantissima, sunt beneficia, quae TUAE benignitati, FRIDERICE SERENISSIME, PRINCEPS FELICISSIME, omnes & singuli non sine causa attribuunt, qui cunctas Germaniae Principum, & imprimis Serenissimorum Saxoniae FRIDERICORUM,
pacis

pacis, literarum, & scholarum amore florentissimorum, laudes complecteris, quorum merita, quae in monimentis supersunt, nulla unquam delebit oblivio, nec diuturnitas temporis obscurabit. Et licet ea in omnium hominum sermonibus & mentibus haereant, & non uni populo, sed omnibus Europae nationibus, cognita sint & perspecta; ego tamen in hoc exiguo libro, quem **TIBI, SERENISSIME PRINCEPS**, omni devotione, animique submissione, offero, ea omnia, una cum **TUIS**, in rem literariam, beneficiis, brevi commentatione repetere ausus sum, quem laborem, vultu aspectuque **TUO** Sereno haud indignum, pro eximio in scholas amore, existimabis. Tanta enim **TUI PRINCIPIS** est sapientia, tanta cura rerum divinarum, tantaque clementia in literarum cultores, ut opem **TUAM** implorantibus ultro subvenias, & gratiam exteris perinde, atque in ditio-
ne Gothana natis, impertiaris. Quibus commotus, **DEO** immortali, cuius nutu ac numine **PRINCIPES FRIDERICI**, pacis cupidi, fiunt, & imperant, diurnis nocturnisque precibus supplico, ut **TE, PRINCEPS SERENISSIME**, pacis Praesidem, purioris doctrinae Vindicem, pietatis & munificentiae Exemplum, iustitiae Assertorem, literarum ac scholarum Statorem,

torem, oppressorum Defensorem, sine ullo casu
& offensione valetudinis, in excelso fastigio,
contra omnes temporum injurias, diutissime con-
firmet, coelestique praesidio septum defendat.
Custodiat totam *Serenissimam* DOMUM SA-
XO GOTHANAM praepotens rerum arbi-
ter, conservet SERENISSIMAM CON-
IUGEM, MAGDALENAM AUGU-
STAM, MATREM PATRIAE, DEO
caram, PRINCIPI fidam, & patriae amantem.
Regat ac tueatur Heredem, FRIDERICUM
Serenissimum, & omnes tantae fortunae capaces
DUCES ac PRINCIPES, ut vera religio,
sapientiae doctrinaeque studia, auspiciis eorum
floreant, & novis accessionibus ac incrementis in
dies augeantur.

SERENISSIMO NOMINI TUO,
PRINCEPS SERENISSIME,

devotissimus obsequentissimusque

M. HENRICUS AUGUSTUS SCHUMACHERUS,

ILLUSTRI GYMNASII GRIMENSIS CORRECTOR

I. Si



I.

S I ullum unquam Imperatorum, Regum, & Principum, communis patriae, Germaniae nostrae, nomen Musis, earumque cultoribus, & Scholis, literarum officinis, faustum, benignum, & jucundum, accidit, est profecto dulcissimum & augustissimum illud FRIDERICI nomen, quo multi eorum, non minus superioribus, quam nostris pariter temporibus, felici auspicio sunt appellati. Cujus felicitatis & suavitatis causam, neque cum iis, qui aut mentis simplicitate, aut vana rerum persuasione, aut falsa superstitione, adducti facile credunt, in hoc nomine quaerendam esse censeo, neque reconditam ei vim, & efficaciam, inditam esse, temere existimo. Quod superiori seculo a multis factum esse Daniel Guilielmus Molle-
rus, inclytæ Noricorum Academiae Altorfinae Professor Historiarum, in Dissertatione, de fatalibus personarum nominibus, (a) commemorat, multisque docet exemplis, Gallis Ludovicos, Hispanis Ferdinandos, Carolos Suecis, felices & faustos; contra Henricos Gallis, Jacobos Scotis, Richardos Anglis, & Philippos Hispanis, infelices, & minus auspiciatos, fuisse. Ego tamen, multis variisque exemplis commotus, ingenue confiteor, maximos inter Germanos Principes, summam Imperii obtinentes, FRIDERICI nomine insignitos, pacis amatores fuisse, & non sine singulari divini Numinis providentia, literarum studia in pretio habuisse, & Scholas, itemque Academias, non tam orna-

A

men-

(a.) Altorf, 1685.

menta, quam fulcra civitatum, & provinciarum, condidisse, conditas multis accessionebus auctas conservasse, & Doctores earum publicos dignis non raro praemiis, & honoribus, ornatos coluisse.

I I.

Neque vero ea de causa divino quodam instinctu, jussu, & consilio summos Principes nomen illud inter Germanos obtinuisse, asserere audeo, quippe quae felicitas primo & praecipuo omnium FRIDERICO, SALOMONI, DEI immortalis dono ac munere, concessa & tributa est. Quae enim sanctissimus vates, Nathan, divino oraculo admonitus, & Flamine sacro agitur (b) Patri promittebat: „Filius, inquit, qui nascetur tibi, erit vir quietissimus, eamque ob causam pacificus ipse appellabitur, & nomini meo domum aedificabit, ea exitus, futuro demum tempore, non sine communi omnium laetitia & tranquillitate comprobavit. Postquam enim, Patre beate defuncto, Imperii summam, maximo rerum arbitro ita jubente, obtineret hic felicissimus FRIDERICUS, εἰρηναῖος, pacis inter suos constituendae auctor & conservator deprehensus, & hac in re insignis factus est Servatoris nostri optimi typus, qui solus coelestis pacis Princeps non immerito a viris sanctissimis appellatur. Quae laeta & tranquilla SALOMONIS tempora cum animo secum reputaret Siracides (c) verbis satis aptis exprimebat & dignis quae hoc loco repetantur: Σολομών ἐβασίλευσεν ἐν ἡμέραις εἰρήνης, καὶ ἰδοξάσθη, ὡς ὁ Θεὸς κατέπαυσεν κυκλόθεν αὐτὸν, ἵνα στήσῃ οἶκον ἐπὶ ὀνόματι αὐτοῦ, καὶ ἐτοιμάσῃ ἀγίασμα εἰς τὸν αἰῶνα ὡς ἐσθλὸς ἐν νοότητι αὐτοῦ, καὶ ἐπεπλήσθη ὡς ποταμὸς συνέσεως. Γῆν ἐπεκάλυψεν ἡ ψυχὴ σου πᾶσαν, καὶ ἐπέπλησεν παραβολαῖς ἀνιγμάτων. Ἐκ νῆσος πύργου ὠφέκετα τὸ ὄνομα σου, καὶ ἠγάπησεν ἐν τῇ εἰρήνῃ σου. Qui benignus & pacis amans Judaeorum Rex, sicut divinarum humanarumque rerum scientia optime instructus erat, adeo quidem, ut a multis eruditorum summus Theologus, civilis doctrinae Consultissimus, Medicinæ Princeps, & sapientiae Professor praestantissimus, habitus sit: ita sapientiae quoque cultores amore complexus est, & pacis ornamenta servaturus, multis licet, iisque gravioribus Imperii negotiis oppressus esset, in amplissima Hierosolymorum urbe, si Jo. Pine-

dam

(b) 1. Par. 22. 9,

(c) cap. 47. v. 14. seq.

dam, Hispanum, in Salomone praevio, s. de rebus Salomonis, (d.)
 teslem audire volumus, Gymnasium, sanctissimam sapientiae officina-
 nam, vel condidit, vel conditam instauravit.

I I I.

Quam divinam felicitatem & gloriam, nomine & factis ac-
 quisitam, nostris quidem in Germania Principibus, qui FRIDERICI
 nomine gavisi sunt, & nostra adhuc aetate gaudent, attribuire nequeo;
 nihil ominis tamen egregio suo in bonas artes, literas, & discipuli-
 nas amore, & insigni, qua Scholas, earumque Doctores,
 sunt prosecuti, benevolentia, & praecipuo pacis, aut restitu-
 endae, aut conservandae studio, ad sapientissimi Salomonis lau-
 des proxime accesserunt. Atque exinde factum esse arbitror, ut non
 minus nostra; quam superiorum, & praeiorum etiam Germanorum,
 aetate summis Principibus, boni ominis, & felicitis auspicii causa, hoc
 non sen, usque a temporibus Caroli M. in sacro fonte, cum Christo nomende-
 derunt, & vera doctrina Christiana se imbui passi sunt, impositum sit; quo
 iisdem vel pacati, temporis felicitatem in memoriam revocarunt, vel opta-
 runt, ut tales futuri sint FRIDERICI, quales superiores extitisse non igno-
 rarunt. Satis erudite, ut solet, de hac nominum praeiorum Germ. impositio-
 ne disserit contra obrectatores celeberrimus Jo. Georg. Eccaardus, cum,
 ait: (c.) Non inania fuerunt veterum Germanorum nomina ab ursis,,
 apris, lupis, aut aliis talibus desumpta, sed plerumque, si vera cum iis ra-
 tio etymologica ineatur, vi radicum suarum, *sunt boni ominis*, & ad
 animi, corporisque, aut patriae communis, gentisque, felicitatem, re-
 spiciunt. Nota omnibus, & pervulgata sunt, quae Jo. Aventinus, in
 introductione ad Annales Bojicos, nomina Germanorum propria studiose
 expositorum, adduxit, ubi breviter quidem, sed solide, confirmat, quod
 nomina Germanorum veterum ab initio gentis simplicissima fuerint, &
 non a locis, regionibus, provinciis, aut ex nominibus sanctorum, prout
 seculis posterioribus factum est, sed vel ab eventu, officiis, & virtuti-
 bus animi, non raro etiam a vitiis corporis, sint desumpta. Digna
 sunt lectu; quae Godofredus VVegenerus, qui B. Lutheri libellum, de

(d.) Moguntiae Anno 1613, pag. 198.

(c.) In Historia studii Etymologici Ling. Germ. pag. 571.

nominibus propriis Germanorum ad primam etymologiam restituitur in lucem promulgate dicitur, Beatus Rhenanus, Andreas Althammerus, Jodocus VVillichius, Jo. Stumphius, Regidus Pischdus, Jo. Garopius Becanus, Adrianus Junius, & praeter hos, Pontus Heuterus, Cornelius Kilianus Dufflaeus, Schottelius, Marsdorferus, alique, de Germanorum nominum expositione collegerunt. Qui omnes, una voce & sententia, dulce FRIDERICI nomen fassum ac laetum Germanis fuisse affirmant, eandem vero vocis originem non agnoscunt. Non omnes enim a *Friede*, aut *Frede*, & quod inde factum, *Fredo*, quod praeter multam, ob bellum motum persolvendam, publicam etiam pacem significat; quod Christophorus Lehmannus in Chronico Spirensi observavit, (f) sed non nulli, a *frey*, alii a *froh*, derivant, & pacis tempora, per libertatem & laetitiam, denotari censent.

IIII.

Illi vero neque ferendi, neque audiendi sunt, qui, cum Messala, FRIDERICI nomen in Latio quaerentes a fœdere deducunt, (g) & *Fœdericum* appellandum censent, aut cum Anniano Marcelino, Antiocheno, plane corruptentes in *Frigeridum* commutant, quos jure reprehendit doctissimus Thomas Reinesius, in praefatione Syntagmatis Inscriptionum antiquarum, ubi de elegantissimo libro, de Romanorum, & Graecorum, & praesertim de Germanorum veterum nominibus, in lucem aspectumque proferendo dixerit, quem satis ereptis perficere minus potuit. Manet ergo patrum, manet gentile apud Germanos FRIDERICI, FREDERICI, vel FRIDERICHII, nomen, ex sententia Conradus Gessert, in bibliotheca, a pace quod originem trahit, & pacis amantem pacisque divitem, & abundantem, notat. Quod maximi Germaniae Principes; rerum summa potiti, cum obtinuerunt, quietis cupidissimi civibus suis vili sunt, & Rempublicam, bello saepius quaerere laborarunt, pace nutrire & ornare, & Scholas imprimis, sapientiae, bonarum artium, ac disciplinarum officinas, pacis temporibus optime florentes, magne cura condiderunt, & conditas, pro eximio suo in eruditos amore, amplificaverunt.

V.

(f) Libr. 2. c. 4.

(g) Jo. Cuspinian vit. Caes. pag. 408.

V.

Sunt quidem non nulli, quod non ignoro, qui a sententia mea discedunt, & FRIDERICORUM nomina Imperio Romano Germanico infelicia fuisse, opinantur, eosque Imperatores & Principes, perpetuis bellis impictos, infelici morte diem obiisse supremum; scribunt, de quibus praedictus Mollerus, in Dissertatione de fatalibus personarum nominibus (b) egit. Sed cum pauca admodum exempla proferant illi, & nihil, praeter infelicem quorundam obitum exponant, singularem FRIDERICORUM, Principum Germaniae, amorem, quo pacem, literas & Scholas praecipue sunt profecuti, subvertere non possunt, de quo jam dicturus sum.

V I.

Rectius de hoc argumento pro sua, qua praeditus erat, facundia, & eruditione, egit Aeneas Sylvius, Piccolomineus, primum in aula FRIDERICI III. Imperatoris Rom. ab epistolis sanctioribus, postea sacro Ordini adscriptus, & Episcopus Senensis, ac tandem Pontifex Romanus, Pii II. nomine celebris, in erudita digressionem de FRIDERICIS, quam temporum actorumque publicorum optime gnarus, Historiae suae de FRIDERICO III. adjunxit, & superiori saeculo Jo. Henrici Boccleri, Viri doctrina & prudentia insignis, multis observationibus illustratam, cum ipsa Historia Aeneae Sylvii, in lucem emisit Jo. Georgius Kulpisius. (i.) Quia vero de FRIDERICIS tantum Imperatoribus, pacis & literarum cupidissimis, praecipue sibi agendum proposuit doctissimus ille Aeneas Sylvius, in animo jam habeo, quaedam ex erudita ejus commentatione repetere, & alios etiam FRIDERICOS, Principes Germaniae, & quos inprimis Saxonia nostra, felici omine, pacis auctores, Mularum Patronos, & Scholarum felicissimos conditores, vera, sed brevi laudis praedicatione, commemorare. Longum profecto foret, & ab instituto meo alienum, omnes

A. 3

hoc

(b.) p. 32. (i) Argentorati, 1683. Novus titulus Ao. 1702. praemissus: J. G. Kulpisii Scriptores rerum Germanicarum,

hoc loco proferre Europae FRIDERICOS, pacis & studiorum amantes, quorum memoriam conservant annales, & non magis de republica, quam literarum cultura, & scholis aperiendis, cogitasse testantur.

V I I.

Primum ergo, & praecipuum, inter omnes, locum obtinebit FRIDERICUS I. Ahenobarbus, Imperator Romanorum Seculo XII. quem Abbas Urspergensis (k.) fide dignus scriptor, ex nominis interpretatione, pacis divitem appellavit, eo, quod nihil prius, aut antiquius habuit, quam ut domi pacem sine publico motu, & consilio magis, quam armis, constitueret, quo ab illo strepitu tandem remotus studiorum rationes optime servare, & cum eruditis commercia alere posset. Prout enim ipse literas amavit, & Carmina pangere Latina non minus voluptati, quam gloriae, sibi daxit: (l.) ita eruditos, & literarum peritos, pro temporum illorum conditione, liberaliter habuit, multisque beneficiis, & ornamentis, dignos judicavit, & de Gymnasis pietatis, artium, & virtutum, aperiendis, intanta rerum omnium caligine, sollicitus fuit. Erant vero iis temporibus coenobia condita, ut essent scholae sapientiae divinae, virtutum officinae, & normae disciplinae, & domus caritatis, ut Jo. Trithemius testatur, in quibus condendis, & confirmandis, nihil quicquam FRIDERICUS omisit. Vivit in animis ac memoria eruditorum, vivit in monumentis, multo clarissimis, singularis ejus Constitutio, quam vulgus *Authenticam* nominat, qua studiosi bonarum artium, ad nostra usque tempora, in omni republica immunitatibus, cum studiorum causa peregrinationem instituunt, fruuntur. Egregie FRIDERICI hujus indolem expresit Carionis Chronicon, verbis ex Ottone Frisingensi, (m) certissimo rerum aetatis illius Scriptore, desumptis: optimus Princeps fuit „FRIDERICUS, in quo magnitudo animi, atque consilii fides, constantia, moderatio, pietas, adeo excelluerunt, ut nulla ei virtus, magno „Viro, & optimo Principe, digna defuisse videatur. Est igitur exemplum „boni Principis, & domi militiaeque ex tota vita privata publicaque, in qua luxerunt omnium virtutum effigies. Praeterire non possum, quae communis Germaniae Praeceptor, Philippus Melanchthon, in oratione de

(k.) An. 1152.

(l.) Jo. Burckardus de Ling. Lat. in Germ. fatis T. 2. p. 100.

(m.) ad Annum 1146.

de FRIDERICO I. praedicat: (n.) Multa, inquit, collegia *Regularia*, ut vocant, condidit, ut in illis colerentur studia doctrinae Christianae, quae tunc videbat negligi in illis opulentioribus Collegiis, & Monasteriis. Tria memini collegia (o.) ab ipso condita, *Adelburgense, Hagonense, & Gelhusanum*, cetera non memini. Merita hujus Imperatoris maxima, si quisquam alius, Perillustri ac Excellentissimus Dominus HENRICUS ABUNAU, potentissimi Regis Poloniae, & Pr. Electoris Saxoniae, in summo Senatu sacro Praeses, literarum & scholarum Patronus incomparabilis, tanta industria, tantoque studio, elaborata Anno MDCCXXII. in lucem protulit, ut nihil ab erudito orbe perfectius unquam desiderari queat.

Eandem laudem, & nominis gloriam, comparavit sibi, & multis modis auxit, FRIDERICUS II. Imperator Romanorum, Seculo XIII. qui, cum difficillimis istis Germaniae temporibus tot regiones florentissimae afflictae penitusacerent, primam sibi curam datam esse existimavit, ut pacem & concordiam in Imperio conservaret, & Pontificum Romanorum, excommunicationis fulmina in se vibrantium, dominatum reprimeret. Bonas literas a primis statim annis in deliciis habuit Imperator optimus, & variarum linguarum, Graecae, Latinae, Italicae, Gallicae, Saracenicae, Germanicae, cognitione imbutus, alios etiam, & praesertim suos, hac linguarum scientia insitui voluit. (p.) Quae de re animum ad scholas instituendas adjunxit, ut publica Musarum domicilia essent, quibus adolescententes, in spei patriae nati, optimis artibus & linguis augeri & ornari possent. Hospes rerum, & temporum sit, oportet, quem Scholae, ab hoc Imperatore conditae, fugiant. Tellis est curae illius, artes & scientias promovendi; Academia Patavina, tellis est Ferrariensis, tellis est Neapolitana, in quam omnium disciplinarum Doctores adscivit, tellis est Viennensis in Germania, quae ab eo condita, ab Alberto III. Austriaco, postea amplificata. Quo insitata in literas & bonas artes amore commotus Imperator, omnium, secundum Carolum M. potentissimus, rei publicae Christianae utilissimus, & sapientissimus Princeps, libros Aristotelis omnes, item Galeni opera, Gregorii Nysseni, de na-

(n.) Tom II. Declamat. p. 850.

(o.) Conf. Casp. Bruschii Chronolog. monast. German.

(p.) V. Götzius in Dissert. Princeps Graecae doctus pag. 13. & Daniel Pareus in Medulla Hist. universal. pag. 694.

denatura hominis, & multa alia, sacris & profanis literis, universam suppellectilem Philosophiae, ex Graeco & Arabico sermone, per doctissimos interpretes, suis sumtibus vertendam curavit, legendamque eam Gymnasiis publicis in Germania, & exhibendam praecepit, & scientias Mathematicas primus ad Germanos adduxit, id quod Jo. Aventinus confirmat Annal. Boj. Lib. VII. c. 4. Juvat in hanc rem reperere Bulae in Hist. Acad. Paris verba: FRIDERICUS II. Aristotelis opera, Pto., Iomaei *magnam Syntaxin*, Gregorii Nysseni libros de natura hominis, medicaeque artis auctores primarios, de Graeco & Arabico in Latinum converti, & Bononiae doceri, curavit. Idem Mathematicas disciplinas in Italia excitavit, Neapolitanam Academiam instauravit, Viennensem erexit, Bononiensem, & Salernitanam reformavit. (r.) Usus est in hoc studiorum genere doctissimo omnium, quos aetas ista tulit, eloquentissimoque, Petro de Vineis, Cancellario, & arcani consilii socio, cujus sex epistolarum libri a Simone Schardio, Jcto, editi (s) multum prudentiae continent, & thesaurum actorum illius aevi ostendunt. Falsa igitur, & ex invidia, ac obtrectatione orta Pontificis Romani, & Sacerdotum, accusatio fuit, qua FRIDERICUM, optimum Imperatorem, pessimi illius libri, de tribus magnis Impostoribus, Moyses, Christo, & Mohamede, si non auctorem, suaforem certe finxerunt, a qua suspitione celeberrimus Burchardus Gonthelf Struvius (r) jam dudum eum liberavit. Quas Jo. Harduinus, inconsideratae temeritatis homo, fabulas Imperatori nostro affinxerit, uolo in praesentia attingere, eo, quod vix commemoratione dignae, & a V. C. de la Croze multis argumentis explosae sunt.

Neque FRIDERICUS Austriacus I. pulcher, qui III. ab aliis appellatur, ex hoc ordine segregandus est, qui licet cum Ludovico Bavaro de dignitate Imperatoria decertaret, & in praelio, minus secundo, captivus duceretur, omnique spe acquirendi summi honoris privaretur; suffragiis tamen Colonienfis Episcopi, a quo Bonnae coronatus fuerat, & Rudolphi Palatini ad Rhenum, itemque Rudolphi, Ducis Saxoniae, aliorumque Principum, Imperator electus erat, Hic prudens, benignus,

(r.) Adde Joviani testimonium lib. V. de obedientia cap. 6. p. 131.

(s) Basil. 1588. ex officin. Jo. Oporini. C. S. Schurztleischius Disp. 36. p. 33.

(r.) In Dissertat. de tribus impostoribus Jenae 1703.

gnus, placidus, & maxime temperans, & rerum sacrarum, earumque, quae ad scholas pertinent, amantissimus fuit (u.)

De FRIDERICO Brunsvicensi, Magni illius Torquati filio, qui nonnullis Illi, audit inter Imperatores Romano Germanos, contra VVen-ceslaum, Caesarem, jam Romanorum Rex Francofurti electus, sed in itinere ad Fridelariam An. MCCCC, in die Bonifacii occisus erat, magna spes concepta erat, fore, ut pacem in Germania conservaret & Sicolas, prout tempora ista ferebant, insisteret. Hoc satis comprobatur Philippus Julius Rethmeierus (x.) ex oratione Panegyri-; ca, quae in laudem Henrici Julii, quondam habita est, inquit: De, FRIDERICI, qui Caesar designari meruit, egregia & heroica virtute, „ testimonia annalium, in medio sunt. At, utinam non nefariae invido-; rum invidiae hunc intercepissent, & optatissimo Germaniam praesidio, orbassent. Is enim omnium opinione futurus fuerat, in quem merito, „ Ennianum de Fabio Maximo elogium hunc in modum retorqueamus: „ Unus homo nobis bellando restituit rem. Commemorant quidem non pauci scriptores, FRIDERICUM Comitem VValdeccensem, Henrico, ferrei filio, occisum esse, sed Henricus, in crimen vocatus, culpam caedis FRI- DERICI, Caesaris, vere meritoque contulit in Joannem Moguntinum, cu- jus nomine res in tractu Eichsfeldiae curabat, neque is, sed Hardingshui- sius quidam caedis admittit reus fuit. Quanquam ea res prope fortunam gentis VValdecciae evertit, funestoque civili bello, ultione incensis Brunsvicensium animis, afflixit, & aere alieno oppressit. Testem hujus calamitatis adduco illustrem Schurzleischium, qui in Stricturis rerum VValdeccensium, ex Zacharia Vietore, Davide Chytraeo, Meibomio, juniore & auctore defensionis VValdecciae, totam histo- riam erudite persecutus est.

Quanta FRIDERICI V. vel juxta alios, qui FRIDERICUM Austriacum, & FRIDERICUM Brunsvicensem omittunt, Illi. Impe- ratoris Romani, in rem publicam, literas, & eorum cultores, Scholas item, & Academias Germaniae, sint merita, dici vix potest. Hic sine exemplo magnus Imperator, pacis & tranquillitatis tuendae studio per quatuor & quinquaginta annos, quibus Imperio praefuit, ita delectatus est, ut nesciat plane Jo. Baptist. Egnatius, in historia Caesarum: u-
B trum

(u.) Albertus Argentines. p. 100, seq.

(x) Chron. Brunsvicensi p. 678,

trum fato quietioris Germaniae, an prudentiae hujus Principis singulari sit attribuendum. Usus est, quae nemini adhuc contigerat, ea felicitate, ut depulsis ignorantiae tenebris, literarum; & melioris scientiae incrementis Germania, ipsius aetate, collustraretur, & multi Principes, quod non sine Numinis divini nutu factum esse videtur, exemplo ejus incitati, ingenuarum artium officinas certatim in provinciis suis instituendas laborarent, ut domicilia pararent, quibus Musas ex Italia, ope praesertim & cura Jo. Reuchlini, s. Capnionis, aliorumque virorum doctissimorum, quos FRIDERICUS noster in deliciis habebat, in Germaniam! adventuras, benigne exciperent. Tota certe Europa hujus pacis cupidissimi Imperatoris, qui omnes ante se principes, & vitae, & imperii, dignitate superaverat, laudibus personabat, cum omnes scirent, & intelligerent, varias Academias, (y.) Basileensem, Tubingensem, Herbipolensem, Friburgensem, Ingolstadiensem, Moguntinam, Rostochiensem, Gryphisvaldensen, & imprimis Lipsiensem, ejus auspiciis vel conditas, vel maximis beneficiis & privilegiis esse ornatas. Quid dicam de divina illa typographiae arte, quam felicissimi nostri Imperatoris temporibus in Germania inventam esse multi fide digni scriptores testantur, & ex iis praecipue Jo. Trithemius (z.) qui temporibus FRIDERICI hanc artem adscribit, primum Sacrarum literarum codicem Anno MCCCCL, impressum esse, confirmat. Hujus, divino munere concessae, artis beneficio bonae literae & scientiae, jam pridem interituroe, non modo in lucem revocatae, sed ad feram usque posteritatem, si DEO ita visum fuerit, typis consignatae. (aa) transmitti, possunt. Optimi Graeci & Romani auctores, temporum longinquitate, situ, & pulvere obducti, in obscuris Monachorum serniis neglecti, per tot secula jacuerunt, paucis admodum visi & cogniti, FRIDERICI vero aetate in manus eruditorum pervenerunt, & doctis aequae, ac discipulis in Scholis legendi & erucleandi sunt oblata. Non immerito, proinde Theodorus Ryckius, in oratione, de paltingenesia, literarum, judicavit, cum ait: non aliud ab orbe condito, si, quod Servatorem mundo dedit, exemeris, clarius, hoc, aut laetius, Seculum hominibus illuxisse.

VIII.

(y) Clarissimus C. A. Heumannus in via ad Hist. literar. p. 86.

(z) In Chronico Sponhemensi ad An. 1450.

(aa) Bernhard a Mallinkrot de ortu & progressu typograph. Colon 1634. pag. 36.

V I I I.

Productis jam in medium, pro temporis, & instituti, ratione. FRIDERICIS, imperatoria dignitate inter Germanos praeditis, ad alios pariter Germaniae Principes, honoris & dignitatis ratione minus habita, me converto, ex quibus mihi occurrunt Principes Electores Palatini, quos pacis studio celebres fuisse, testatur Theodorus Zvvingerus (bb) eaque de causa tot FRIDERICOS extitisse, convenienti suis moribus nomine, confirmat. Cum quo idem fere sentit Daniel Tossanus in oratione (cc) habita Heidelbergae, de tribus FRIDERICIS, Imperatoribus, & tribus Pr. Elector. Palatinis. Inter hos primo loco ponendus est FRIDERICUS II. sapientis & pii nomine insignitus, qui saepius quidem de nimio Praeceptorum suorum rigore, & vana ac inepta eorum institutione conquestus est, eamque ob causam factum esse, ingenue affirmavit, quo minus majores in literis, quarum amore flagrabat, progressus fecerit. Interim favore eruditos persecutus est, & in salutem & incrementum patriae Scholas condidit, & conditas beneficiis amplificavit. Ut primum Serenissimus Princeps Septemviri dignitatem obtinuit, multis laboribus, prout pacis Germaniae studiosissimus fuit, exhaustis, dissidium illud infelix, quod inter Caesarem, & Lutheranos, propter religionem exortum erat, frustra componere studuit. Tandem vero egregiam puriori coetui addictis operam navavit, rejectis Pontificiis dogmatibus, & abolita Pontificis auctoritate, emendatam per Lutherum doctrinam recepit, suisque commendavit. Hinc Paulum Fagium, expertae integritatis Theologum, Argentorato Heidelbergam evocavit, ut opera ejus civibus purior doctrina inculcaretur. Cui ea de re gratulati sunt Principes Lutherani, ut auctor est Jo. Sleidanus, harum rerum diligens scriptor, ex quo Thuanus multa, quae huc pertinent, observavit. De Academiae vero vulnere curando, pro laudabili sua cura, admodum sollicitus fuit FRIDERICUS noster, in id unice incumbens, ut, quae prima facile inter Germanos fuisset, primas quoque, & pristinum decus, obtineret. Sectas proinde *Nominalium, Realium, Thomistarum, Scotistarum*, sustulit, & contubernia tria, prius distincta, studiisque parti-

(bb) Theatr. vitae humanae Lib. 8. p. 653.

(cc) Anno 1587.

um distracta, conjunxit, & quo felicius veritatis sanctioris propagationi consuleret, studiosis adolescentibus, in reangusta domi confluitis, de liberali victu, & comoda sustentatione prospexit. Quem in finem Augustinianum illud coenobium, a Montichis, paulatim desertum, destinavit, idque vacuum meliori huius, & sanctiori usui consecravit, ut fieret sapientiae collegium, Schola pietatis, Gymnasium virtutis, & tenera juvenus sacris literis, artibus liberis, & omnibus honestis disciplinis, ad Reipublicae, & coetus sanctioris Palatini, emolumentum educaretur. Sed consilium optimi & sapientissimi FRIDERICI bello Smalcaldico interruptum fuit, quod Carolus V. Imperator cum foederatis Principibus, & civitatibus Sanctioris coetus, Augustinam Confessionem amplectentibus. An. MDXLVI. gessit. Nam ob Caesaris victoriam, qui Germaniam, Germanorum viribus, arte Hispanica, oppugnavat, in nihilum FRIDERICI, Pr. Electoris co-natus tum recidit, & decennio post, Otto Henricus demum, successor, divino Numine coeptis favente, quod ille in votis habuerat, confecit. Quae omnia uberius exponit Daniel Pareus (dd) in historia Palatina, magno studio conscripta.

FRIDERICUS, III. Ottonis Henrici successor, Calvinī doctrinam, & Helveticam confessionem, reducendam in fines suos curavit, de scholis tamen aperiendis, & conservandis diligenter, admodum cogitavit. Non enim ignoravit, sapientissimus ille Princeps, scholas Christianas seminaria esse, ubi plantae educarentur, quae futuro tempore in vinea Christi plantatae suavissimos doctrinae coelestis fructus ferant. Quo consilio tria Gymnasia Anno MDLXV. in suis provinciis condidit & aperuit, unum Heidelbergae, Franciscanorum coenobio in scholam convertuto, alterum Neuhusii, uno lapide ab urbe Vangionum, in quo Collegio impii homines, contra regulam Christi & apostolorum, Bacchanalia vixerant, tertium Ambergae, ut ne Bavaris quidem, ad quos eo tempore referebatur bonarum artium officinae deessent. In his scholis, ut de minoribus passim per oppida & pagos, institutis, nihil dicam, pueri minores, & rudiores adolescentes limpidis pietatis fontibus, a teneris annis, imbuti sunt lacte quasi materno, & elementis Latinae & Graecae linguae, ex auctoribus optimis, & disciplinis variis, & exercitationibus eloquentiae, ita instituti, ut ad publicas Academiae praelectiones praeparati altiora studia cum laude suscipere potuerint. Omnes, qui

ca

ea aetate, de vita & morte FRIDERICI, quae Anno MDLXXVI. ei accidit, orationes habuerunt, Petrus Boquinus, Guilielmus Rodingus, & Daniel Tossanus, a quibus Daniel Pareus non dissentit, rem publicam Palatinam beatam isto tempore praedicarunt, quod non is tantum, qui provinciis praefuit, literarum scientia, & sapientia imbutus fuerit, sed in oppidis, pagis, & vicis prope singulis ludos literarios, scholas sapientiae & pietatis instituerit, ex quibus pueri ad illustria Gymnasia transmissi gratis instituti, & plurimi, Principum Palatinorum sumtibus, nutriti sunt,

FRIDERICUS IV. sincerus dictus, nihil ab hoc amore in literas & Scholas remisit, & viros, eruditione insignes, suo patrocinio defendit, & praemia, tanto Principe digna, iis tribuit, & Academiam Heidelbergensem multis modis auxit, & beneficiis cumulavit, quae Bartholomaeus Coppenius, in oratione funebri, in obitum ejus Heidelbergae MDCX. habita, non sine laudis praedicatione commemoravit.

FRIDERICUS V. pro sua literarum cupiditate, Scholarum quoque curam & incrementum suscepisset, nisi infelici rerum Bohemicarum expeditione, cum suasu & instinctu hominum satis imperitorum, dignitatem Regiam, repugnante Ferdinando II. Imperatore, An. MDCXIX. affectaret, impeditus esset. Ruptis enim pacis vinculis, atrox bellum in Palatinatu ortum est, ubi simplicissima pietas, ubi optima studia, & bonae leges omni modo colebantur, sicut Daniel Pareus in historia supra adducta scribit.

I X.

Cum ad Saxonum Principes, laeti & auspici nominis, FRIDERICOS progredior, tacita mecum admiratione eorum, de Scholis contendendis, augendis, & conservandis, curam prosequor, iisque hanc felicitatem, singulari Dei dono ac munere contigisse, arbitror, quod susceptis pro emendata religione laboribus, artium & doctrinarum studia, auctoritate sua, revocarunt, & Virorum doctissimorum opera, promovenda laborarunt. Qua de re sine dubio factum esse, censeo, ut hoc dulce nomen in Serenissima Domo Saxonica, jam a primis temporibus tam saepe fuerit, ut parentes filiis suis, in spem & salutem patriae natis, id imponere optauerint

erint, eosque hoc ipso officii sui admonuerint. Nihil dicam de FRIDERICIS, qui inter Comites VVettinenses, VVittekindi posteros, clari fuerunt, a quibus principes nostri, si non per masculos, per feminas tamen ortum suum trahunt, de quo argumento legendus est illustris C. S. Schurzschius in dissertatione de VVittekindo Magno (ee) FRIDERICUS Conradi Magni Marchionis Misniae, Conditoris Ducum & Pr. Elector. Saxoniae, filius, natu minimu pietatis, & literarum amator coenobia ad Tzschopam in Marchia Orientali condidit, ut in iis, pro more seculi, studia excolerentur, de qua re testatur Ecardus in Saxoniciis originibus, FRIDERICUS fortis, Thuringiae Landgravius, Misnensis & Orientalis, Marchio Dominus terrae Plissensis, cujus gena a matre, Margaretha, FRIDERICI II. Imperatoris Romano Germanici, filia ob mariti, Alberti degeneris, furorem, fugam clandestinam parante, adorsa, tanta virtute pro libertate patriae pugnavit: ut, superatis & devictis hostibus, una cum civibus suis, pacis fructibus frueretur. Puer adhuc, a patre derelictus, a Dieterico, patruo, omnibus virtutibus, Principe dignis, in Misnia institutus est, qui cum praesentem ejus indolem perspiceret, saepe eum adhortatus est: ut libertate & tranquillitate patriae nihil carius, & amore & salute civium nihil antiquius haberet. Quae spes de eo concepta optimum patrum non fefellit. Liberavit enim patriam, multis belli periculis, & difficultatibus a patre, Alberto, Adolpho, & Alberto, Imperatoribus Romanis, & Philippo Nassovio, illatis, & prout ipse pietatis & virtutis semina in aula Dieterici menti suae instillaverat, ita, quantum temporum illorum conditio ferebat, in finibus suis propagare ea operam impendit. Victis & profligatis hostibus, pace populum refecit FRIDERICUS, cumque artes & studia colere jussit, & Deo gratias decernendas curavit, quod, jugum exterorum principum a cervicibus depulisset, suosque beros precibus Deum implorare hortatus est: ut pacis bona, perpetuo servaret. Mores hujus Principis exponit monumentum sepulchrale (ff) quod virtutis alumnus, & pacis amicum appellat, FRIDERICUS severus s. gravis, tam eximio justitiae, pacis tempore exercendae, flagravitarde, ut severi nomen

(ee) Num XXX.

(ff) Tenzelius in supplemento II. hist. Gothanae: Confer Seligman. Exercitat. Academ. de Friderico Adorsfo,

men obtinuerit. Fama ejus brevi temporis spatio in Germaniae finibus percrebuit, ut post mortem Ludovici Bavari, Imperatoris Romani, foeceri sui, dignitas Imperatoria ab omnibus Germaniae Principibus ei oblata sit, quam sapienti consilio detrectavit, & Carolo IV. Imperatori tribuendam (gg) concessit. Neque hac laude defraudandus est FRIDERICUS strenuus, qui totus in eo fuit, ut civium suorum salutem promoveret, eisque laeta & tranquilla tempora redderet, ut singuli res suas peragere, & in summa tranquillitate vivere possent. Latrocinia in finibus Misniae per fratres repressit, & ipse in Thuringia tumultum, inter Northufanos & Comitem Hohensteinium, composuit, & multa pro sua prudentia effecit. Gratus & acceptus Carolo IV. Imperatori Romano, literarum scientia & doctrina polito, fuit, qui ejus opera & auxilio (hh.) in disturbandis hostium conatibus est usus.

In horum numero & virtutis gloria, & literarum amore praestantissimus fuit FRIDERICUS Bellicosus, qui a variis bellorum generibus, in quibus fortuna eum exercuit, cognominatus tantam sibi famam, multis variisque praeliis felici auspicio commissis comparavit, ut nemini quicquam labore in negotiis, fortitudine in periculis, industria in agendo, & consilio in providendo concederet. Haec gravia & periculosa bella pacis causa gesit, & duros asperosque labores, quod de sapientibus Sallustius confirmat, spe otii sustentavit. Cum, Alberro III. Septemviro Saxoniae placide defuncto, nemo esset, qui virtutis praestantia, meritorum dignitate, & sumptibus in tetrum & periculosum bellum Hussitarum factis, Imperatori Romano, *Sigismundo*, dignior videretur, FRIDERICO nostro, cui haec dignitas committi posset, communi omnium suffragio eam obtinuit, & non sine maximo suorum emolumento administravit. Primus inter Misniae Marchiones, & Duces Saxoniae fuit, qui, nova honoris accessione auctus, regionis suae fines Academia, a se Lipsiae anno M. CCCC. IX. condita, illustravit, cum bis mille studiosos, ob diffidium Pragae ortum, advolantes, & praesidium ac perfugium apud se quaerentes videret. Ita suo exemplo docuit, quanta ex litera-

(gg.) C. S. Schurzleischius in not. ad Mich. Bojem: Albert. animosum
(hh.) Georg. Fabricius Origi: Saxon, L. VI. p. 681.

rarum usu commoda & ornamenta in rempublicam proficiscerentur. Lectu digna est Io Friderici Franci Oratio de origine, incrementis, & fortuna Academiae Lipsiensis, quae merita ejus pro dignitate recenset.

Felicissimum quoque nominis Princeps & Septemvir fuit hujus filius, FRIDERICUS Placidus, qui pacis dulcedine captus rempublicam bonis legibus munivit, & tanta animi lenitate in suos usus est, ut indulgentissimus & benignissimus patriae Pater non immerito diceretur. Imaginem boni & felici Principis, non solum ad intuendum, verum etiam ad imitandum aliis reliquit, cum Principes duos, ex Margaretha Austriaca, sorore FRIDERICI III. Imperatoris Romani, patris, *Ernestum*, Rochlicii anno MCCCCXLI. & *Albertum* animosum, in arce Grimenfianno MCCCCXLIII. Calendis Augusti in lucem editum, omnibus virtutibus & scientiis, tantis universae stirpis Saxonicae conditoribus dignis imbuendos curavit, & Academiam Lipsiensem, a beato Patre conditam, inter tot armorum strepitus & tumultus ab hostium inursionibus tutam (ii.) & a variis casibus immunem conservavit.

Pleni sunt Saxonum & Germanorum annales, plenae sapientum voces de meritis in utramque rempublicam FRIDERICI Sapientis, Pr. Electoris, qui natura ad omnes pacis artes, & ad humanitatem factus, & nihil prius & majus civium suorum salute habuit. Hic universam rem Christianam, & praecipue Academiam Viteimbergensem, verae de Deo doctrinae, & omnis elegantioris eruditionis sedem, Anno M D II. conditam (kk.) adeo sibi multis rebus in patriae emolumentum gestis devinxit, ut certatim eruditi ejus laudes prosequerentur, & inslar Numinis terrestris eum observarent. Cujus facta immortalitate digna licet omnibus notissima sint, repetendo tamen majorem vim habebunt, & altius in animos legentium demittentur. Iis quidem verbis, quibus Georgius Spalatinus, qui a contionibus ei fuit, in epistola (ll.) ad Jo. Reuchlinum usus est scriben,

(ii.) Conf. Carol. Otton. Rechenbergii de meritis Saxonum in imperium Romanum & Domum Austriacam p. 19.

(kk.) Andr. Sennerti Athen. Viteimbergens, p. 14.

(ll.) L. I. Epist. 90.

bens: Mirum, qua religione DEum praepotentem & suos suscipiat FRIDERICUS, qua caritate bonos amplectatur qua munificentia Mutianum & me, & eruditissimum quemque prosequatur, qua denique fide iustitia, integritate, vigilantia, tot gentibus imperet. Dices, vel, *Ptolomaeum*, vel *Iulium Caesarem*, vel Carolum alterum,, si audires quantis sumtibus Academiam Vitembergae architectatus,, quanta excolat diligentia, liberalitate, industria, quantis muneribus illuc e,, ruditos Professores contrahat, quot Sacerdotiis amplissimis a,, fundamentis templum, Divis omnibus sacrum, auxerit. Vere,, maximus princeps, & maximo imperio non indignus. Quae ornamenta animo secum perpendens illustris C. S. Schurzsfleischius peculiari Dissertatione (mm) complexus est, ex qua satis apparet, quod princeps totius Europae gravissimus, reipublicae, rerumque Germanicarum adsertor, literarum parens, & scholarum patronus, &,, dignus summa Imperatoris Romano Germanici dignitate ab omnibus ei oblata fuerit. De qua re Erasmus Roterodamus, vir magni nominis, non minus eleganter, quam prudenter, in epistola ad Joannem, Episcopum Rossensem, scribit: Dux Saxoniae FRIDERICUS ab omnibus delatum imperium ingenti animo recusavit,, idque pridie, quam Carolus V. eligeretur, cui nunquam contigisset,, imperii titulus, nisi FRIDERICUS deprecatus esset, clarior honore contento, quam fuisset, accepto. Conradus Celtes, qui primus Poëta in Germania, Imperatoris FRIDERICI III. manibus coronatus est, in Praefatione & epistola operum Hrosvithae Gandesheimensis Sacerdotis, FRIDERICI nostri merita praedicat, & ingenue fatetur: tantum ejus in literas & religionem Christianam amorem esse, ut facile omnes Germaniae principes, multos etiam Praesules, ad quos literarum cura & patrocinium jure spectare deberet, superet. Laudat quoque in eo, quod singulari prudentia, consilio, pacis & concordiae studio clarus sit, multasque impensas pro principum Germaniae concordia, & firmanda Italiae, Galliae, & Germaniae pace, & unione fecerit. Confer. Edit. Oper. Hrosvithae H. L. Schurzsfleischii Vitemberg. MDCCVII. Digna sunt verba, quae ejus temporis scriptor Pegasus de laudibus hujus principis consignavit, quae hoc loco (nn.)

C

repe-

(mm) Volum. dissert. n. 31 de Friderico Sapiente,

(nn) Conf. Chytr. in Saxon. p. 52.

repetantur: FRIDERICUS, Dux Saxoniae, Elector, & Ensiser Imperii, juxta nomen suum, *dives amator pacis*, & prudentissimus princeps, Sapientiae domicilium, consiliorum thesaurus, defensor legum, contro- versiarum finis, imperii Romani columnen, munimentum patriae, morum speculum, decus Principum, & disciplina Ducum, quem ejus- modi virtutibus ornatum veluti parentem, ac Numen, coelitus mis- sum plebs ipsa tota & veneratur, & diligit. Decus Majorum perpe- tuum, constans, & Domui Saxonum proprium, insigni laudis accessione cumulavit Joannes FRIDERICUS, quem recordatio gloriosi patrui sic accendit. atque inflammavit, ut avitae laudis imitatione pacem quietem- que stabiliret, & praemia pariter eruditae in Saxoniae finibus constitue- ret, Scholas, a Majoribus conditas, conservaret. & numerum earum augetet. Facem jam ei, Pater optimus, Joannes Constans, praetulera, qui a veritate purioris doctrinae, bonarum artium, & linguarum sub- sidio in provinciis Saxoniae excitatae, nullis praemiis & bellicis rationi- bus deduci poterat. Quae egregia animi vis diffusa in filium Jo. FRI- DERICUM, Magnanimi nomine insignem multo, illustrior apparuit, quippe qui nullis sumtibus, in aperiendis ornandisque Scholis, pepercit, & plura, quam omnes sperarunt, & majora, quam cogitarunt, perfecit. Illustre Gymnasium Gothanum primum fere originem ei debet. Postquam enim auspiciis Serenissimi Patris, Joannis, Ducis & Electo- ris Saxoniae, disiecta Pontificiorum doctrina, aperta erat Schola, Princeps noster reditus ad viginti quatuor pueros, una cum famulo gratuito, nutriendos erudiendosque constituit, & optimos Praeceptores (oo) eis praefecit. Aeternam ejus nominis memoriam conservat nova Jenae condita Academia, ubi FRIDERICUS primum Gymnasium Academicum erigere secum constituerat, anno MDXLVIII. eo tempore, quo, post infelicitate habitum ad Muhlbergani praelium, a Carolo V. Imperatore captivus detinebatur, ex quo postea, cura trium Serenissimorum filio- rum, Academia originem traxit, quae anno MDLVIII. bibliothecam, Vitemberga translata, obtinuit. Plura de hac re celeberrimus Schmeizelius, Professor Academiae Jenensis, cum erudito orbe, ut spes facta est, communicabit. Constat inter omnes: quantis beneficiis au- xerit Jo. FRIDERICUS Academiam Vitembergensem, & quantos Pro- fesso-

felloribus illius reditus, ex variis coenobiis, in finibus Saxoniae fi-
 tis, attribuerit, & studiosis bonarum artium stipendia constituerit, quae
 omnia Jo. Sebastianus Müllerus in Annalibus (pp) accurate commem-
 morat. Hoc tacitus praeterire non possum, quod Philippus Melanch-
 thon, communis Germaniae Praeceptor, de Jo. FRIDERICO nostro,
 audiente olim Francofurti Jo. Sturmio, aliisque viris clarissimis, affir-
 mare non dubitavit: plura hunc Principem legendo & scribendo quo-
 tidie peragere, quam ipsum Philippum, & Hieronymum Schurffium,
 Juris consultum, quos duos in legendo & meditando ceteros, qui
 Vitembergae tum erant, superare, constans opinio erat. Patris optimi,
 licet injuria temporum infelicitis, exemplum secuti sunt filii, praeter
Joannem Guilielmum, Jo. FRIDERICUS II. & Jo FRIDERI-
 CUS III. Duces Saxoniae, qui cum a prima jam aetate a Doctoribus,
 eruditione claris, percepissent: Nihil melius, nihil Principe dignius
 esse, quam de literis, earumque cultoribus, bene mereri, & dignitatem
 ac praestantiam eruditionis rebus omnibus anteferre, similem plane vo-
 luntatem, & amorem demonstrarunt, & id sedulo egerunt, ut vestigi-
 is patris insisterent, & maxima omnium ordinum celebritate die XVI.
 Februarii anni MDLVIII. Academiam Jenensem, quasi campum exer-
 cendae industriae, aperirent, ubi, & posterior FRIDERICUS III, studi-
 orum causa commoratus diem supremum anno MDLXV. obiit. In
 qua solempni Academiae inauguratione ipse Joannes FRIDERICUS II.
 gloriosi Patris, suum, & fratrum Serenissimorum, in literas, vel li-
 terarum officinas, amorem Latina oratione, non sine omnium laetitia
 & gratulatione, testatus est, & privilegiis, quae Carolus V. & Ferdi-
 nandus I. Imperatores, concesserant, tum iis, quae ipse dederat, A-
 cademiam ornavit. Fuit enim hic princeps in literarum studiis egregie
 versatus, ita, ut in primis pueritiae annis in arce Torgaviensi coram
 serenissimo Patre orationem haberet satis elegantem, eamque decenti
 actione condecocaret. Biennio post, cum altioribus in Academia Vi-
 tembergenfi disciplinis imbutus esset, in confessu Summorum Princi-
 pum verba fecit, quae profert G. Fabricius (qq) in Saxoniae origi-
 nibus.

(pp) — Anno 1533.

(qq) Lib. VIII. p. 50. Jo. Seb. Mulleri Annal. Saxon.

Nulla horum Saxoniae FRIDERICORUM gloria fuit, quam non FRIDERICUS *Guilielmus*, Dux Saxoniae, Magnanimi, ex *Joanne Guilielmo*, Vinariensi, nepos, affecutus, qui Altenburgi primo sedem habuit, postea *Christiano I. Septemviro*, rebus humanis erepto, in arce Torgaviensi ProSeptemvir, & Tutor Principum, filiorum *divi Christiani, nimirum Christiani II. Joannis Georgii, & Augusti*, constitutus est. Hic nomine & nunc suum nihil dignius, nihilque civibus praestantius, existimavit, quam partem semel pacem tueri, aut interruptam restituere, & conservare, ut omnes in tranquillitate conquirere, & Musis operam navare, & bonas artes, ac disciplinas, & verae religionis doctrinam, ex SACRO DEI verbo desuntam, in Scholis promovere queant. Quia enim indulgentissimus Princeps literis & linguis optime institutus fuit, non minus oblectamenta vitae, quam praesidia prudentiae, & eruditionis, in humanioribus literis posuit. Officinam Typographicam nitidis, usque argenteis typis exornatam, in arce Torgaviensi instruendam curavit, cui saepius, quantum per negotia publica licuit, interfuit, artis hujus haud imperitus, & libris imprimendis, omnique cura & studio emendandis intentus, Commemoravit multos libros, in hac illustri Torgae Officina typis impressos, quorum copiam bibliotheca Serenissimi Ducis Gothani possidet, celeberrimus Tenzelius (rr.) in colloquiis per singulos menses editis: Lutheri nimirum *Sermones Sacros*, per M. VVanckelium, Professore Academiae Vitembergensis, in Latinum conversos, Jo. Claji Herzbergensis, *Explicationes annivarsariorum Evangeliorum, & Meditationes ex historia passionis Christi* Carmine redditas, tribus Tomis, in forma quarti ordinis, quae in Gymnasio illustri Grimenfi, ex mandato hujus Principis, nostra ad huc aetate, diebus singulis Dominicis, & festis, inter coenam praeleguntur: & *Antonii Guevara, Horologium Principum* a Jo. VVanckelio, ex lingua Castellana, adhibitis Gallicis, & Italicis versionibus, Latine redditum, & ipsius *Principis Horarum subcissivarum exercitationes*. In hujus postremi libri praefatione, &

& pietate & eruditione, referta, pupillos Principes alloquitur, & osque laudabili suo exemplo ad sedulam optimorum auctorum lectionem, & in scribendo exercitationem, & imprimis ad pietatis studium, verbis, tanto Principe dignis, incitat. Minus molestum erit lectori, quaedam ex hac praefatione hoc loco apponere, quibus amorem in literas declaravit: Inter alias quidem graves curas, Illustrissimi Principes, agnati & pupilli carissimi, quibus in tutela, vestra, distingimur, nullum praeterire diem patimur, quo non in lectione bonorum auctorum, & studio Latinitatis aliquid legamus, & imeditemur. Artium enim & humanitatis studia tantum abest, ut a nobis aliena esse concedamus, ut etiam cuivis bono Principi summo esse ornamento eadem, censeamus. Homines enim cum & ipsi simus, cur non in iis studiis, post pietatis exercitia, & curas gubernationis vacemus, quae, juventutem decent, virili aetati profunt, senium oblectant? In ea ipsa animi recreatione illud Apellis accurate observamus: *ne dies sine linea* (ss.) Tanta enim vis est diligentiae & exercitationis, ut nihil sit, quod non expugnet pertinax opera. Quanta benignitate & favore Scholas complexus sit, loquitur Academia Ienensis, in qua Rectoris Magnificentissimi dignitatem obtinuit, cui Celsissimus Princeps octies mille florenos, cum sumtus minus sufficerent, pro sustentandis Profesforibus Anno MDLXXX donavit, de qua liberalitate Annales Mulleri Saxonici (tt) legendi. Loquitur Athenaeum Altenburgense, quod multa & egregia ab eo obtinuit beneficia. Praedicant FRIDERICI GUILIELMI gratiam Doctores Gymnasii illustris Grimensis, quibus singulare beneficium ex censu, qui ex zytho coquendo reddit, singulis annis, Diplomate publico persolvendum, iussit. (uu) Plura de hujus Ducis & Proseptemviri in literarum Doctores, & Scholas, amore commorare possem, & ea praecipue, quae, auctoribus & suavoribus prudentissimis, omnique doctrina politissimis viris, Davide Peifero, sanctioris consilii Praefide, & Mario Gerstenbergio, Cancellario

C 3

,,in

(ss) vid. Tom V. Miscellan. Lips. p. 6.

(tt) An. 1780. p. 176. 206.

(uu) Anno MDXCIII, d. 19. Octobr.

in salutem patriae suscepit; sed vereor, ne lectori molestus videar. „Qui omnia scire desiderat, evolvat Origines Lipsienſes Davidis Pei-
 „ſeri & hujus quidem vitae expoſitionem, quae praemiſſa eſt, An-
 „nales item Mulleri, & quae in Miſcellaneis Lipsienſibus (vv vv) à ce-
 „leberriſimo Scholae Portenſis, illuſtris Rectore M. Jo. Davide Schre-
 „bero, ſunt obſervata. Placent inprimis Joannis VVankelii verba,
 „in praefatione Horologii Principum Guevara de hoc Muſarum Pa-
 „trono, quorum non ſine animi voluptate recordor: Quicquid tem-
 „poris negotiorum neceſſariorum curatione ſupererat huic Principi,
 „id omne auctorum optimorum lectione impendebat, cujus rei
 „teſtes oculatos laudare poſſum, non eos tantum, qui aſſidui circa
 „eum fuerunt, ſed etiam eos, quibus vel ſemel ipſum adire, & ſalu-
 „tare licuit. Quorum nemo ſine libris Principe ſtudioſiſſimum,
 „in cubiculo, ad menſam, in templo, in venatione, in itinere, domi, ac per
 „egre vidit, ut qui neque valetudinis reſpectu, neque ullorum moni-
 „mentis, ab hoc inſtituto avocari ſeſe pateretur.

Filius ejus, FRIDERICUS GUILIELMUS, Dux Altenbur-
 genſis, licet in graviffima belli tricennaliſt tempora incideret, & vari-
 is praeliis intereſſe cogeretur, non omiſit tamen Scholas & literas
 amare, & Tomos Lutheri Altenburgenſes ſuis ſumtibus typis im-
 primendos curavit, & viris de republica literaria meritis, multa beneficia
 praefitit, quae uſque ad annum aetatis ſextam & ſexageſimum,
 quo placide deſunctus eſt, conſervavit, unicum relinquens filium
 (xx) FRIDERICUM GUILIELMUM III. ceteris jam morte ereptis,
 qui optimis quidem artibus & ſcientiis à Tutore, Jo. Georgio II.
 Pr. Electore Saxoniae, eſt inſtitutus, ſed praeter opinionem, anno
 aetatis decimo quinto, deſunctus, poſtremus totius hujus ſtirpis Prin-
 cepe.

FRIDERICUS, Joannis, Ducis Saxonici Vinarienſis filius
 in primis adoleſcentiae annis optimis ſcientiis & diſciplinis, praefertim
 Hiſtoria, duce & auctore Friderico Hortledero, Conſi-
 liario

(vv vv) Tom. V. p. 1. ſeq.

(xx) Memorabil, Hiſtor, Saxo p. 559.

liario, diligenter operam navavit, & cum fratre, natu maximo, *Joanne Ernesto*, in Academia Jenensi multos annos viros, omni eruditio-
nis genere praestantes, audivit. Commigravit postea ad studia ulterius
excolenda Ultrajectum ad Rhenum, ubi diutius versatus fuisset,
nisi ob desideratissimae matris infirmitatem in patriam revocatus
esset. Majora in scholas, earumque Doctores, beneficia contulis-
set, nisi in turbis Bohemicis à partibus Friderici V. Palatini stetit-
set, & in praelio infelici cum Hispanis An. MDCXXII, ad Floria-
eum cecidisset.

FRIDERICUS Dux Vinariensis, Guilielmi Magni filius, in-
signis literarum fuit amator, quibus in Academia Ienensi An.
MDCLIII. addictus fuit. Scholas in pretio habuit, easque augere
& beneficiis ornare, quaesivit, de qua re legendus est Fridericus
Hortlederus, in dedicatione libri de bello Smalcaldico, huic Principi
sacrata. Praematura morte, praeter omnem spem, extinctus est,
multisque desiderium sui reliquit.

Eandem famam & gloriam consecutus est FRIDERICUS
I. gloriose memoriae Dux Gothanus, ex nepte FRIDERICI GUILL-
ELMI, Elisabetha Sophia, cum *Ernesto pio* connubii foedere
juncta, felici omine, natus, cujus pietatis, prudentiae, & justitiae
documenta omnibus fere locis praedicantur. Ut enim à Divo Patre,
Ernesto, Principe, verae pietatis laude in oculis omnium exsplende-
scante, & amore literarum & Scholarum flagrante, in prima aetate,
divinae religionis, doctrinae, & sapientiae studiis, omni diligentia &
cura, in patria non minus, quam Academiae Argentoratensis luce,
institutus erat: ita decus hoc literarum, Serenissimae Domui Saxoni-
cae proprium, firmo semper animo retinuit, & animum semper,
Majoribus similem, praestare contendit. Varia Europae regna, &
mores populi ut spectaret, ex optimi Patris consilio, non solum splen-
didissimas Germaniae urbes perlustravit, sed Gallos, Danos, Allobro-
gas, Italos, Belgas, Venetos, aliosque, adiit, & maximorum Regum
& Princepum, inprimis Galliae Regis, honore, & apparatu regio,
acceptus, eximius virtutibus in patriam rediit, quam à Patre, & pieta-
tis

tis & doctrinae amantissimo, traditum, & pacis & literarum ornamentis, per decem & septem annos, augere non intermisit. Ienensem Academiam imprimis patrocinio suo tuendam curavit, cujus jura & immunitates a multis exagitari intelligebat. Novae Academiae, ex Gymnasio Coburgensi Academico, instituendae jura amplissima ab Imperatore Romano, *Leopoldo*, suo serenissimorumque fratrum, nomine An. MDCLXXVII. impetravit, quod Diploma Anno. MDCCV d. V. Non. Quinctiles, Serenissimorum Ducum Saxoniae auspiciis, promulgatum, & consilii istius, ad exitum deducendi, spes confirmata est (yy.)

Omnes quidem & singuli, fide & obsequio obstricti, cives repentinum hujus felicissimi Principis obitum Anno MDCXCI. deplorabant, eumque votis & precibus ardentissimis desiderabant; animos tamen suos, firmo solatio erectos confirmabant, cum, peracto biennio, quo beate defuncti fratres celsissimi, *Bernardus*, & *Henricus*, regiminis curam, una cum tutela Heredis Principis, in se susceperant, divum Genitorem non ereptum, sed in Serenissimo filio, FRIDERICO II. felici auspicio Anno MDCLXXVI. die XXVIII. Julii nato, mutata persona redditum esse, viderent. Hic enim, pro egregio suo in patriam amore, & eximia, qua se ornatum declarabat, prudentia, quam assidue primae aetatis institutione, variisque per Bataviam, Britanniam, & Belgium, factis itineribus, acquisiverat, nihil sibi prius in rebus gerendis, accepta a Divo Leopoldo, Romano Imperatore, aetatis venia, agendum putavit, quam ut, suavissimi nominis sui memor, in Patriae finibus pacem & quietem stabiliret, & civium salutem, rerum & negotiorum incrementa, in dies augetet. Quo animo cum nostra adhuc aetate sit *Princeps serenissimus*, omnes boni & prudentes cives, una voce & sententia, hunc verae religionis Assertorem diu in terris versari optant, quem non aliter, ac in Patris loco, ducunt. Benignitatem hujus FRIDERICI *felicissimi* Nobiles agnoscunt, civitates colaudant, praedicant rura, pauperes experiuntur, & certatim omnes admirantur,

(yy) videatur Dn. Philippi Theodor. Verpoorten. discrepantia Dei, & hominum de scholis judicia p. 50

tur, & in sinibus ejusdem rerum & fortunarum suarum sedemfigere gestiunt. Musae inprimis de hujus (zz) *celssissimi Ducis* salute & incoluntate sibi gratulantur, quae, passim spretae, & abjectae, praemiisque fraudatae, in auspiciatissimi nominis FRIDERICO H. Duce Gothano, custodae & defensore, praesidium obtinuerunt. Praeterquam enim, quod multa, tanto *Principe* digna, munificentiae exempla, in ornatissima, & raris admodum libris, manu exaratis, & antiquis monumentis refertissima bibliotheca Gothana, in dies augenda, praestat, scholam etiam illustrem, a Divis Majoribus, a Joanne Pr. Electore Saxoniae, disjectis Pontificiis, Gothae apertam, a Jo. FRIDERICO confirmatam, & a Jo. Casimiro amplificatam, maximis beneficiis augere & amplificare studet, ut tam docentes, quam discentes, non quasi Principem, sed Patrem, intueantur. Quid dicam de schola Altenburgensi, quae sub ditione & regimine hujus Principis floret? Haec grata mente praedicar maxima summi hujus literarum Statoris in se merita (aaa), & post fata laudes ejus ad omnem posteritatem transmittet. Anno MDCCXII. in Gymnasii illustris formam eam redigi curavit, & plures Chasles instituit, melioresque docentibus Lectiones habendas praescripsit, quae in Historia scholarum celeberrimi Ludovici (bbb) commemorantur. Tacitus praetereo domicilium splendidum Anno MDCCV. Altenburgi a serenissimo Principe conditum, in honorem, & nominis *Celssimae Conjugis* memoriam, *Magdalenum* appellatum, in quo virgines, nobili genere natae, virtutibus, in ordine suo dignis, instituuntur. Non finit instituti ratio, omnia & singula hujus *summi Ducis*, & *optimi Principis*, monumenta, in salutem patriae facta, enumerare, quorum tanta est multitudo, ut eorum in praesens inire numerum non facile queam. Hoc praeterire non possum, omnes fide devinctos cives in votis habere, ut, Deus, qui nutu suo cuncta dirigit, in sinu, & complexu suo hunc indubitanter gentilissimum Patriae Patrem foveat, una eum Coniuge *Celssima*, & tota Domo Gothana florentissima, consilia & expeditiones ejus fortunet, omniaque divina & humana bona emulatissime impertiat.

(zz) Mulleri Annal. Sax. p. 641.

(aaa) Conf. Ludovici Hist. Scholar. P. I. p. 19

(bbb) P. V. p. 241.

tur. Spem pariter certissimam omnibus facit Serenissimus FRIDERICUS, filius, virtutis & gloriae paternae Heres, fore, ut maximi Patris merita, rebus factisque exaequet, & non minus literas, pacis tempore florentes, quam scholas, literarum officinas, à Divis Majoribus summa cura atque providentia conditas, conservet, & Professoribus praemia, pro gravissimis laboribus constituat. DEO igitur pro ea, qua decet, pietate supplicant singuli, ut firma semper valetudine, & felicitate hunc, in salutem patriae natum, Principem conservare velit. Adsuat quoque sex Principes, & Duces Serenissimi, *Guilielmus, Jo. Augustus, Christianus Guilielmus, Ludovicus Ernestus, Mauritius, Jo. Adolphus*, ad omnes fortunae Principalis rationes optime instituti, qui decus Majorum perpetuum, & tantae hereditatem laudis, verae religionis praesidium, & literarum decus, aeterna serie conservabunt. Neque minus *Ernestus* FRIDERICUS, Patre *Ernesto*, & matre, *Sophia Henrietta*, Georgii FRIDERICI, VValdecciae Principis filia natus, quem Deus in salutem patriae conservet, Majorum, virtutis & literarum gloria clarorum exemplo incitatus Gymnasium illustre, Hildburghusae conditum, multis praemiis ornavit.

Quem insignem in literas earumque officinas, amorem, & beatis Majoribus traditum, etiamnum servet Potentissimus FRIDERICUS AUGUSTUS, primus ex gente Saxonica, Stirpis Albertinae Rex Sarmatarum electus, & Pr. Elector Serenissimus, qui praestantissimis scientiis & virtutibus ornatus Germaniam, Hungariam, Italiam, Galliam, Hispaniam, Belgium, aliasque provincias (ccc) peragravit, & ubique fere locorum Reges & Principes in stuporem adduxit. Hic omni studio, quoad rebus Saxoniae praesuit, id egit, ut optimis pacis ornamentis patriam confirmaret, & tutam literis sedem in ea praestaret, & Scholarum dignitatem conservaret, more & exemplo Augusti, Caesaris Romanorum potentissimi, Bellis quidem variis, quibus Germania nostra, ob callida Gallorum consilia & Turcarum impetum exagitata, & quibus Saxonia nostra, ob Suecorum impressionem, perturbata fuit, pro incredibili sua virtute, interesse coactus est Achilles noster Saxonicus, & Heroum facile Princeps, sed ita tamen iis interfuit, ut difficili admodum

modum belli tempore veri nominis FRIDERICUS, & in extremis angustis cognitus sit AUGUSTUS. Gesit enim bella contra Gallos pro libertate & pace Germaniae & patriae confirmanda, & vires Turcarum, exitium nobis minitantiū, tantā felicitate obtinuit, ut non minus acerrimus libertatis Germanicae propugnator, quam terror atrocissimorum hostium sit appellatus. Ut enim pacem eo maturius patriae, hostibus profligatis, redderet, ipse ante signa in praeliis stetit, & laborantibus, pro sua virtute, & prudentia, subvenit, & viam denique ad dissipandos, & superandos impetus demonstravit. Quā virtutis, & pacis recuperandae gloria in Europa cum floreret FRIDERICUS AUGUSTUS, mirum nemini videri debet, gentis Polonicae Proceres ad Regiam dignitatem capessendam, quae omnium in terris maxima est, hunc pacificum, hunc praeclaram, hunc felicem Principem iis temporibus invitasse, quem solum ex tam multis Europae Principibus diademate regni dignum existimarent. Tot votis & desideriis expetitus, neglectis suis commodis, dignitatem Regiam in se suscepit, ut Germaniae salutem contra Gallorum conatus tueretur, & fines ejus, crebris bellis oppressos, ab illa parte tutos. (ddd) redderet & securos. In hac pace belli studiis acquisita, Scholas imprimis & literas conservat Rex noster, & Princeps El. potentissimus, & pro singulari in omnes bonas artes, linguas, & scientias, amore in dies fere singulos augere contendit. Sicut enim ingenium, scientiis & linguis egregie excultum, peregrinationis usu polium, & multiplici rerum experientia abunde confirmatum habet: ita Scholas, sedes sapientiae, in patria constitutas, & V Academias, tueri, in quibus adolescentes, & juvenes, literarum cultores, in patria natos, per biennii spatium studiis operam navare jussit, & omnes fere eximiis stipendiis, ad capessendam eruditionis praestantiam, invitavit, & beneficiis in victum, & studiorum incrementum attributis, vehementer, incitavit. Laetatur Lipsiensis Academia beneficiis maximis, variisque clementiae & gratiae signis, a benignissimo Patriae Patre exhibitis. Gratulatur sibi Vitemberga de propensa potentissimi Regis nostri voluntate, & cura paterna, qua non ita pridem Academiae splendorem auxit, & discussis rationibus, copiosius ornavit, & literarum incrementa

D 2

opti-

(ddd) Cl. Struvius Tract. de officiis Imper. Saxon p. 30.

optime constituenda curavit. Loquuntur Scholae Principales à Divo quondam Mauritio, Saxoniae conditae, à FRIDERICO AUGUSTO conservatae, & inter eas nostra. Grimaes spectat, quae inter maxima beneficia, benignitati Regis optimi attribuit artium Mathematicarum studium, quo & dinumerandi modos, & dimetiendi mensuras, siderumque coelestium rationem, & scientiam, ac orbis terrae situm, à Doctore, publice constituto, percipiendi facultatem sunt consecuti adolefcentes, eo tamen modo, ne in linguarum, & disciplinarum rerumque sacrarum cognitione, detrimentum paterentur. Nihil jam addo de reliquis ornamentis, vel ad morum elegantiam, & compositionem promovendam, vel externum modestiae cultum inter prandendum, & in Muscis, ab Alumnis observandum, ab hoc Serenissimo Patriae Patre, & auctoribus summis aulæ Proceribus, institutis. Quid dicam de Academia equestri, quae Palaeo Dresdae, auspicio Regis nostri serenissimi est condita? Haec omnia Regia sunt beneficia, & munera, quorum memoria non facile exolefcet, neque ulla unquam posteritas committet, ut tot tantaque monumenta, aut oblivionis culpa, aut negligentia corrumpt. Faxit DEUS immortalis, ut diu rebus nostris praesit optimus literarum Maeœnas, FRIDERICUS AUGUSTUS, Rex potentissimus, & Praelector indulgentissimus, ut ejus praesidio omnes totius Saxoniae cives tuti pacis ornamentis frui, & verae doctrinae, sapientiae, & literarum Officinas, singulari cura conservatas, & auctas, ab omni periculo, & impetu, immunēs rerinere queant. De Régio Principe, FRIDERICO AUGUSTO, Herede, in spem successionis, & praesilium genitis d. VII. Oct. ipso Spei die, nato, jam a primo illo tempore, quo anno MDCXCVI. hanc lucem, felici auspicio, adspexit, spes concepta est certissima (ecce) fore, ut neque virtutis gloria, neque literarum & Scholarum amore, Divis Majoribus unquam cedat, & *Patrem Magnum, & Martium*, rebus factisque exaequet. Praebuit multa hujus rei & expectationis documenta, optimis scientiis, tanto Principe dignis, a prima aetate, in patria, & in variis itineribus septem annos per Europam susceptis, sedulo institutus. Quo felici, & in patriae salutem donato Principi.

pe ut diutius frui, ejusque inusitatae benignitatis ac clementiae fructibus gaudere queamus, precamur divinum praepotensque Numen, ut ab omni morborum & periculorum offensione salvum EUM, & incolummem praestare, & *Conjugem serenissimam*, & utriusque sexus Sobolem cellissimam, & praecipue FRIDERICUM, unicam adhuc spem patriae relictam, conservare velit. Confirmet DEus mentes Parentum Serenissimorum, praemature & repentino obitu beate defuncti *Josephi Augusti*, Principis excelsae indolis, & opumae spei, tristitia & dolore perturbatas, & in locum ejus reddat iis Principem, qui ore & vultu clementiam, mente & animo prudentiam, & aetate gravitatem, & constantiam, declare.

X.

Progredior ad FRIDERICOS, quos Serenissima Domus Brandenburgica produxit, non minus doctrinae, & sapientiae, studiis, quam insigni in literas, scholas, earumque doctores, per totum terrarum orbem celebratos. Virtutis quidem laude & gloria, quam variis sibi bellis paraverunt, clari fuerunt primi illi FRIDERICI, ex Burggraviis Norimbergenfibus Pr. Electores Brandenburgici facti; rempublicam tamen, quam armis tutam & quietam reddiderant, bonis legibus, & literis ornarunt, adductis in patriam viris, eruditione claris, quibus juventutis educandae ratio committi posset. FRIDERICUS primus, Septemvir electus, linguae Latinae studio, ut tum fuerunt tempora, deditus, insigni animi virtute ac prudentia tantam nominis famam sibi acquisivit, ut communi omnium suffragio dignitatem illam obtineret. Eloquentiae studio se admodum commendavit, & ita pacis & iustitiae amans fuit, ut suis etiam civibus bonarum artium fructus commendaret, & pacis bona peraret. Quae omnia in vitae ejus expositione illustris Gundlingius persecutus est.

FRIDERICUS II. Filius ejus, virtute quidem belli maximam sibi laudem acquirere laboravit, qui ob multa, quae pertulit, pericula, ferreus est dictus. Hic, compositis belli tumultibus, pacem inter suos conservavit, & scholarum curam, eo modo, quo illa aetate fieri poterat, sedulo egit,

Majore vero cura & studio literas, doctrinas, & scholas prosecutum esse JOACHIMIM FRIDERICIM, tradunt rerum Brandenburgicarum scriptores. Hujus laudes maxime celebrat Academia Francofurtana, cui sumtus, ut alia beneficia omittam, ad primum Iubilaeum anno MDCVI. majore celebritate & apparatu peragendum, necessarios suppeditavit. Magnam quoque & eximiam nominis gloriam ex fundatione Gymnasii in Valle Joachimica anno MDCVII. sibi conciliavit, quod demum Berolinum translatum est, ubi nostra aetate adhuc floret, & a nomine ejus *Joachimicum* appellatum, & ejus perinde, ac reliquorum FRIDERICORUM, gratia & benevolentia amplificatum.

Merita FRIDERICI GUILIELMI Magni, hujus pronepotis optimi, in rempublicam, in bonarum artium studia, & Musarum domicilia, multo praestantiora sunt, quam ut diggeri his praetium a me statui possit. Haec igitur non meis, sed illustris *Samuelis Pufendorffii*, qui Gymnasii olim Grimenfis Alumnus fuit, rerum „gestarum tanti Herois scriptoris, (fff) verbis exprimam: Quia ad „propagandam pietatem, animique culturam scholae comprimis faciunt, „earum in sua ditione insignem curam habuit FRIDERICUS GUILIELMUS, & Francofurtanam Academiam, & eam, quae Regio- „mente est, praecclaro reddituum augmento mactavit, simulque Duisbur- „gi ad Rhenum novam instituit, dotavitque, quam olim *Guilielmus* „Cliviae Dux, molitus fuerat, sed ob ingens bellum Belgicum omiserat.

Decus hoc Borusso-Brandenburgicae Domus gentilitium non imodo non imminuit, sed firmo semper animo retinuit, auxit in dies, altiusque exexit filius maximi hujus Principis, FRIDERICUS, inter Principes Electores III. & inter Reges gentis Borussicae primus. De hujus immortalibus in patriam & scholas meritis. Hala Magdeburgica nunquam conticescet, ubi novam Academiam, eamque florentissimam, condidit anno MDXCIII. amplissimisque sumtibus, & beneficiis pro sua munificentia ornavit, Praetereo reliquas hujus FRIDERICI lau-

laudes, & egregia monumenta, quae ut in secula ibunt, ita complures etiam & satis aptos obtinuerunt laudatores, qui sua eloquentia exornarunt. Testantur de insigni Regis munificentia collegia pictorum, & mechanicorum, Berolini privilegiis beneficiisque ornata, testatur Regiae scientiarum societatis institutio anno MDCC, facta, testantur innumerabiles librorum Dedications, & inscriptiones (ggg) a viris eruditissimis non Germaniae solum, sed Belgii quoque & Angliae, huic Musarum Patrono factae.

Neque ab hoc in literas, artes, & scientias amore alienus est successor Patris optimi, Potentissimus Rex, & Serenissimus Pr. Elector FRIDERICUS GUILIELMUS, quem DEUS in suorum salutem servet, qui maximis & innumerabilibus avi, avi, & gloriosissimi Patris, meritis commotus, literas, earum sedes, Scholas publicas, fovet & conservat. Cujus rei luculentum praebet testimonium *Gymnasium Carolinum*, Sedini institutum, quod & belli tumultu & injuria militum depravatum, & penitus desertum, sua munificentia restitutum, & multis modis augendum, curavit. Maxima certe felicitissimi hujus Regis beneficio civibus conceditur felicitas, propterea, quod ab injuria belli, & impressione hostium tuti, in studiorum cultura conquiescere, Musarum domicilia retinere, & literarum ope confirmati temporum miseriae pariter, & curas domesticas, allevare possunt.

Plures ex hac Serenissima Domo Brandenburgica orti, & in Franconia sedem habentes fuerunt FRIDERICI, literarum & Scholarum amatores, inter quos primas obtinebit GEORGIUS FRIDERICUS, Marchio Brandenburgensis Onoldbacensis, qui Ducatum Carnoviensem, in Silesia, itemque Byrathum, & Culmbacum, obtinuit, Georgii filius, qui eodem animo & amore in literas, & bonarum artium officinas fuit, & pacis amantissimum se praestitit, Gymnasio item Curienti, in Variscia, multa subsidia, ex redditibus Monasterii D. Clarae, anno MDLXIII, attribuit (hhh) quae grata mente etiamnum praedicant

(ggg) Germania Princeps Giovan. p. 526.

(hhh) Vide Ludovici Histor. Scholar. p. II. p. 295.

cant literarum in hac Musarum sede Doctores. Vestigiis pietatis, constantiae, & felicitatis avitae ingressus Heilsbrunnam tanto complexus est amore, ut anno MDXXCII. Nonis Aprilis, die suo natali, illustre quoque Gymnasium ibidem aperiret, in quo ex finibus patriae centum adolescententes ingenii erudirentur, & educarentur, & largum victum & amictum ex Coenobii proventibus obtinerent. Quod in deliciis hoc Gymnasium Heilsbrunnenfe, scilicet ad fontes salutis, ei fuerit, exinde constat, quod Curatorem Monasterio, atque Alumnis, educandis, praeficiens, saepius dixit: Thesaurum, quem habeo omnium pretiosissimum, tibi trado commendoque. Idem juventuti Heilsbrunnenfi, studiis Academicis pertractandis aptae, stipendia XX. singula quinquaginta florenorum, constituit, quae VVittebergam missi studiosi, industriam in literis adhibentes, obtinerent, & quamdiu ibidem vitam, agerent, retinerent. De qua re legenda est celeberrimi Godofredi Ludovici Historia Gymnasiorum & Scholarum (iii). Vita defunctus est hic Musarum Patronus anno MDCIII. ejusque exuviae in Mausoleum Heilsbrunnenfe non sine splendido comitatu, translatae, ejusque provinciarum partem obtinuit *Christianus*, partem *Joaachimus Ernestus*, & Gymnasium Heilsbrunnenfe commune utrique fuit.

JOANNES FRIDERICUS, Marchio Onoldbacensis, Majorum exemplis commotus, non minus ipse bonis artibus, & scientiis, Argentorati & Gen evae imbutus fuit, sed suos etiam filios, omnesque cives, fide obstrictos, iis imbuendos curavit, eamque ob rem scholas omni cura conservavit. Hunc delicias generis humani appellabant omnes, qui ejus gratiam & benignitatem semel experti erant. (kkk) Eodem fere studio scholas prosecuti sunt filii ejus, paternae laudis aemuli *Georgius* FRIDERICUS, & *GUILIELMUS* FRIDERICUS, quorum ille MDCCIII. fatis concessit; hunc vero adhuc vivum cives non sine laetitia, & animi submissione, colunt, qui scholas olim conditas conservare & amplificare non intermittit.

XI.

(iii) vide Ludovici Histor. Scholar. P. II. p. 296.

(kkk) Layrzius in Palmet, Historico p. 351.

XI.

Ex Ducibus Brunsvicensibus & Luneburgensibus primum locum tribuo FRIDERICO devoto, qui initio quidem regiminis sui multas injurias, ab Archiepiscopo Colonienſi illatas, ſuſtinuit; ab his vero liberatus pace & tranquillitate uſus eſt, & de coenobio Cellenſi erigendo cogitavit, quia iis temporibus literarum cultura in coenobiis florebat. Praecipua laude dignus eſt FRIDERICUS *Ulricus*, Dux Brunſvicenſis & Luneburgenſis, qui a primis ſtatim annis, ſapientia, literis, & virtute, ornatus, & variis per Belgium, Galliam, Britanniam, ſuſceptis itineribus politus, multis patriam bonis cumulavit, & Academiam *Juliam* in pretio habuit. Hujus bibliothecam *Julius*, Dux Brunſvicenſis inſtituerat, *Henricus Julius* auxerat, libris a Matthia Flacio coemtis, & FRIDERICUS ULRICUS, non minus ſua librorum ſupelleſtile, quam in aula habuit, quam aliis libris auxit. Reditus trium Coenobiorum Academiae assignavit, quibus Profeſſores nutrentur. Digna ſunt verba ex oratione funebri D. Conradi Horneii Memoriae hujus Ducis ſacrata (III) quae adducantur: Eundem ſedulo & regie proſus ab incunabilis uſque educari, ſereniſſimus pater, *Henricus Julius*, curavit. Cum enim ipſe ſapientia, literis, & virtute inter pleroſque omnes Imperii principes, quoad viueret, tantum emineret, quantum ſolent inter uiburna cupreſſi, neque ignorare poterat, quid in re illa omnium maxima commodi eſſet, neque ut tanto bono tum filium primogenitum ac heredem, tum per eum terras ſuas impertiretur, ſtudio aut operi ulli parcebat. Cum autem Regum & principum filios educandis duplex ratio ſit, una in belli ſtudiis, altera in literis, maluit filium ſuo exemplo his, quam illis, inſtrui. Praeterquam enim, quod id filii ingenio aptiſſimum eſſe intelligeret, ita judicabat, in iſto potius, quam illo, ſalutem reipublicae praecipue verti (mmmm.)

E

XII

(III) Helmſtnd. 1635. pag. 10.

(mmmm)conf. Dn. D. Goezii Diſſ. Princeps Graece, doctus, p. 23.

X 1 1.

Inter Serenissimos Duces VVurtembergicos praeclarus est, FRIDERICUS, *Georgii* filius, qui paci intentus fuit, & Academiae Tubingensi, cujus anno MDLXXIII. Rector Magnificientissimus est creatus, multa beneficia praestitit, & literarum amore captus omni studio earum praeslantiam promovere contendit. Collegium Tubingense, a Ludovico, Duce, conditum, Principum, Comitum, & Equitum studiis consecravit. Quinque filiis, Principibus, pacis literarum scholarum, cupidissimis, felici auspicio FRIDERICI nomen imposuit. Inter hos Jo- FRIDERICUS Conditor *Studgardiensis* (nnn) *Ludovicus* FRIDERICUS *Mompelgardensis*, *Julius* FRIDERICUS *Julianae* Domus parens factus. *Georgius* FRIDERICUS optimae aetatis & studiorum flore defunctus, & FRIDERICUS *Achilles*, arte & Marte clarus fuit, qui Consultationis de Principatu inter Provincias Europae, Tubingae, in illustri Collegio, habitae auctor extitit, & multos Germaniae Principes suo exemplo illustri ad pacem, diligentiam, & exercitationem eloquentiae incitavit. Recenset hos omnes Thomas Lansius, in Praefatione Consultationi an: MDCXX. Tubingae praemissa, & magna laudis praedicatione nomina eorum extollit.

FRIDERICUS Dux VVurtembergicus, Jo. FRIDERICI filius, initio regiminis, bello difficili & periculoso tricenari, patriae praesidio fuit, insignis quoque literarum & scholarum promotor deprehensus est. Cujus rei bibliotheca instructissima, in qua ultra viginti millia librorum rariorum, partim typis impressorum, partim manu exaratorum, habuit, & thesaurus numismatum, antiquitatis praesantium, in usum eruditorum, & imprimis in emolumentum scholarum, quarum patronus fuit eximius, collectus testimonium exhibent. (ooo)

FRI-

(nnn) Vide Layrizii Hist. Palatwald p. 488.

(ooo) Layrizens Palatwald p. 494.

FRIDERICUS Carolus, VVurtembergici Ducatus admini-
 strator, & *Eberhardi Ludovici* tutor, pacis & bonarum artium
 amator eximius, felici auspicio illustre Gymnasium Stutgardianum,
 multis jam annis desideratum, condidit, & anno MDCLXXXVI. so-
 lemnis ritu inauguravit, constitutis sex Professoribus, honestis stipen-
 diis invitatos. Leges & rationes studiorum, huic Gymnasio praescriptas
 continet celeberrimi Ludovici Historia scholarum & Gymnasiorum ce-
 lebriorum. (ppp)

X I I I.

Neque praetereundi sunt Holsatiae Duces stirpis Gottorpian-
 sis, inter quos **FRIDERICUS, Jo. Adolphi** filius, natu maximus,
 omni laudis praedicatione dignus fuit, eo, quod ad literarum Grae-
 carum & Latinarum studia, optimasque scientias ornandas, omnem
 curam & laborem adhibuit, & non bibliothecam solum Gottorpensem
 multis modis auxit, sed varia etiam instrumenta Mathematica, a rerum
 adpulverem eruditum pertinentium peritis in usum Juventutis scholasticae
 conficienda, & globos ingentis magnitudinis, magnis sumptibus compa-
 randos curavit, ex quibus ipse voluptatem percepit, id quod de eo
 commemorat Jo Mollerus in *Uagoge ad Historiam, Chersonesi Cimbri-*
cae, [qqq]

FRIDERICUS IV, Dux Holsatiae, filius *Christiani Al-*
berti, virtute & prudentia omnes facile superavit. Hic in Acade-
 mia Kiloniensi, quae a Conditore Albertina quoque dicta, multa me-
 moratu digna instituit, & literarum incrementa quovis modo ornare
 studuit. Plura literarum ornamenta patria ab illius liberalitate obtinu-
 isset, nisi in praelio ad Clissovia anno MDCCII fato ereptus esset.
 Decus & gloriam hujus serenissimae Domus nostris temporibus adhuc
 servat **Carolus FRIDERICUS**, qui scientiis, magno Principe dignis,
 E 2 prima

(ppp) p. 2. p. 38.

(qqq) p. 198. seqq.

prima aetate imbutus varias spectavit aulas, & gentis suae dignitatem imprimis auxit. Eodem amore scholas, sapientiae domicilia profecit, quo serenissimi Majores, fama celebres, sunt profecuti.

XIV.

Ad Principes, literarum & pacis amatores, referendi etiam sunt Marchiones Badenses, Durlacenses. Inter hos praecipua laude fertur *Ernestus* FRIDERICUS, qui non parviorem solum doctrinam, abjectis & remotis sacris Pontificiis, civibus suis commendavit, sed, quo firmiores in ea facerent progressus, scholam Durlaci anno MDXCVI. aperuit, cui eruditos & peritos praefecit Doctores, & Alumnos magna liberalitate nutriendos jussit, ut sine impedimento in literis progredierentur. Cum vero animum suum plane immutaret, pravis consiliis deceptus, ad Calvinii castra transiit, & multa contra Lutheranos est molitus. Quod dum faceret, praematura morte, supremo Numine sic volente, ereptus est. (rrr) anno MDCIII.

In hujus locum successit frater, GEORGIUS FRIDERICUS, puriori coetui addictus & rerum, sacrarum, & multarum scientiarum peritus. Hic ob egregiam virtutem, prudentiam, & eruditionem ab omnibus fere Principibus & in primis Imperatore Romano, Rudolpho II. in pretio habitus est, qui omnes ejus consilii, patriae salutaribus, saepe sunt usi. De amore in Scholas nihil quicquam remisit, quas, quoad rebus praesuit, conservandas & tuendas curavit.

Filius ejus FRIDERICUS quietem & tranquillitatem in patriae finibus restituit, & de Scholis conservandis & augendis saepius cogitavit, ex quibus optimos scives, & viros ad quaevis munera, sibi promittebat. Ipse amavit literas, & scientias praecipue Mathematicas cognitione dignas putavit, id quod B. Spenerus in opere Heraldico (sss) de eo observavit. Neque minus FRIDERICUS VI. patris exemplo incitatus, verae religionis, literarum & iustitiae defensor fuit, qui Gymnasium in Durlacense optimo flore conservavit, & majore beneficiorum cumulo, itemque bibliotheca instructissima ornavit. FRIDERICUS MAGNUS, a Patre magna cura & industria educatus, litera-

(rrr) Layritz Histor. Palmavald p. 572.

(sss) L. 2, c. 4.

terarum quoque insignis promotor exstitit. Quarum ut ipse non imperitus fuit, ita & sedes Musarum tueri non intermisit, & eruditos tanto honore, tantisque beneficiis persecutus est, ut instar Numinis ab iis haberetur, & patriae Pater appellaretur (ttt)

XV.

FRIDERICUS ANTONIUS, Princeps Schvarzburgicus, *Ludovici* FRIDERICI filius, e quatuor Comitibus Imperii Comes, insignis est Musarum & Scholarum Patronus, cujus rei documenta, ut de reliquis nihil dicam, praebet Francohusanum Lyceum, quod omni amore ac gratia complectitur, & multis beneficiis exornat.

XVI.

Inter Silesiae Duces, Lignicenses multi fuerunt FRIDERICI, qui Scholas, pietatis, bonarum artium, & literarum officinas, suscepta per D. Lutherum doctrinae sacrae emendatione, instituendas curarunt, inter quos praecipua laude ferendus est FRIDERICUS II. qui (uuu) Anno MDXXII. Goldbergae Illustrem aperuit Scholam, eamque omnibus beneficiis complexus est. Magnam Scholae famam conciliavit celeberrimus ille Rector, Valentinus Fridlandus Trocedorsius. qui in sermonibus, quos cum familiaribus habuit, saepius proferre solitus est: „Se tantum habuisse discipulorum numerum in Schola sua, ut si in unum cogendi essent illi iustum ex iis exercitum (vv vv vv, contra Turcos) producere posset.

XVII.

GEORGIUS FRIDERICUS, Princeps VValdeccius Comes Pyrmonti & Culenburgi Sacri Romani Imperii, & foederatorum Belgii Ordinum summus militiae praefectus, inter armorum strepitus, & ardua consilia, quae pro Germaniae libertate, & tranquillitate, suscepit, de literarum studiis, & Scholis patriae, praesertim de Gymnasio VValdecc-

(ttt) Layriz. Histor. palm. p. 184.

(uuu) Henelii Sile siographia renovata.

(vv vv vv) Ludovici Histor. Rector. & Gymnas. p. 110.

deccensi, Corbachii, a VVolrado, Comite, pietate & virtute insigni, olim aperto, conservando & augendo, saepe multumque sollicitus fuit. Dignum meritis hujus Principis scriptorem se praebuit illustris Conradus Samuel Schurzleischius, in vita Georgii FRIDERICI, VValdeccii, quam morte praepeditus ad finem perducere non potuit. Interim optat mecum eruditus orbis, ut ea ex tenebris in lucem aspectumque proferatur.

X V I I I.

FRIDERICUS Comes Nassovius, insignis scholarum & Artesarum Patronus fuit, qui non tantum Rectoris Magnificentissimi dignitatem in Academia Heidebergenfi Anno MDCLVIII libenti animo gessit, sed in finibus quoque suis constitutam scholam VVeilburgensem in VVetteraria sitam (xxx) multis beneficiis ornavit, & praemia doctis attribuit,

X I X.

Joannes FRIDERICUS, Comes Leiningensis, Turckhemii, quae urbs in Palatinatu inferiori illustrissimis Comitibus Leiningensibus subiecta, illustrem scholam Anno MDCCV, instituit, de cujus inauguratione, ut & benignitate celsissimi Conditoris, orationes typis impressae multa commemorant.

X X.

Non diffiteor, complures adhuc Germanorum Principes FRIDERICOS, praeter eos, quos, pro temporis ratione, breviter recensui: pacis & scholarum amantissimos fuisse, & plura de jam adductis commemorari potuisse; sed multi & assidui muneris mei labores prohibent, quo minus omnes & singulos Principes, eo, quo vellem, ordine, eaque copia prosequi liceat Hoc tamen a me in posterum fiet, si tantum temporis nactus fuero, ut reliquos Europae Reges & Principes, FRIDERICI nomine ornatos, proferre queam. Veniam igitur dabi, *Lector benevole*, si Tuo quaedam ingenio minus perfecta, minusque polita videantur. Ego Tuae facile accedam sententiae, si facultas Tibi data fuerit meliora & perfectiora in lucem proferendi.

Conspectus Fridericorum Sereniss.

I. Friderici nomen Germanis faustum & laetum fuit.	1
II. Salomon, primus ille Fridericus, a DEO nomen accepit.	2
III. Boni ominis causa Germani priscei, Friderici nomen suis, impos.	3
IV. Qui in Latio Friderici nomen quaerunt, & corrumpunt, non audiendi.	4
V. Neque illi placent, qui infelix nomen fuisse dicunt.	5
VI. Aeneas Sylvius de Frider. Imperator scripsit	5
VII. Fridericus I. Ahenobarbus, pacis & literarum amator	6
Frider. II. Imper.	7
Frider. Austriacus	9
Frider. Brunsvicens.	9
Frider. V. s. al III.	10
VIII. Friderici Palatini, pacis & scholarum cura clari	11
Frider. II. sapiens	11
III.	12
IV.	13
V.	13
IX. Friderici, Saxoniae Principes, pacis, literarum, & Scholarum amantissimi fuerunt	13
Frider. Conradi Magni filius	13
Frider. fortis	14
Frider. severus s. gravis	14
Frider. strenuus	15
Frid. placidus	16
Frid. sapiens	16
Jo. Frid.	18
Jo. Frid. II. & III.	19
Frider. Guilielmus.	20
Frid. Guiliem. II. & III.	22
Frider. Vinar.	22, 23
Frid. Gothanus I.	23
Frid. Gothanus H.	24
Ernest. Frider. Hildburg.	26
Frider. Aug. Rex Pol.	26
	X.

X. Frider. Brandenburgicae Domus literar. & Scholar. Patroni.	29
XI. Friderici Brunsvicens. & Luneburg. Sereniss.	33
XII. Friderici VVurtemb. Sereniss.	36
XIII. Frider. Holfatiae Duces.	36
XIV. Frider. March. Badenses.	37
XV. Frid. Antonius Pr. Schvarzb.	37
XVI. Frider. Silesiae Duces.	37
XVII. Georg. Frider. Princeps VValdecciae.	37
XVIII. Frider. Nassovits.	38
XIX. Frider. Leimngensis.	33
XX. Coinplares, qui restant German, Friderici Sereniss. in posterum proferendi.	38

Emendanda & notanda.

p. 2. l. 14. obtinebat. p. 3. l. 18. impositione. p. 44. 27. Rempulicam, quam. p. 5. l. 17. & quam. p. 9. l. 8. scholas. p. 10. l. 20. & primum. p. 10. l. 25. transmitti. l. 27. scriniis. l. 29. enucleandi. p. 14. l. 1. rint. l. 6. filius. l. 7. minimus. l. 27. suosque liberos. p. 16. l. pen. dimittentur. p. 21. l. 18. complex. l. 23. loquitur. p. 24. l. 1. traditam. l. 33. videantur. p. 25. l. 1. fortunarum. p. 28. l. 10. elegantiam. l. 25. praefidium. p. 30. l. 20. Francofurt. p. 32. l. 18. pro ejusque. tax. & ibid Joachinus.

